

www.BibleForChildren.org



João 14



Igwete Jesus'ga ei ḡwemimbo'ehara'ḡa pe:
—Tapemomyi ti pejiḡy'a, ei ga ḡa pe. Pejiko ti
Tupana'ga rehe. Ji rehe ti pejiko no, ei Jesus'ga ḡa pe.
He'yjuhu hete aheruhava jiruva'ga rongā pype, ei ga.
Aho po ti ji imboavujikwea penduhava a'ero pe nenonde
nehē.



Po na rui hamo a'ero po ji namombe'ui nanongara pe
me hamo, ei ga ga pe. Jihore penduhava imboavujikwea
po ti ji jivyra'javi pe nderogwovo pe no ga jijipyri nehẽ.
A'ero po ti ji pyri tuhẽ pe nduvi nehẽ, ei Jesus'ga ga pe.



Jihi ko Joãoramo. Jihi ko peirũa jijikoga ãwaramo
Jesus Cristo'ga rehe pe ja. Hahya Tupana'ga
arõe'ỹve'ãga omondo pe me Jesus

Cristo'ga jikoty'aro ãwaramo pe pavẽi.
Ji ve ãga omondo hahya



no Jesus Cristo'ga
jikoty'aro ãwaramo ji
pavẽi. Peko pe
Tupana'ga
nhi'iãga rupi.



Jihi ako ganhi'iãa rupi no. A'ereki Jesus Cristo'ga
ojikoty'a nhande pavẽi. Penhimomirana pe. Jihi
anhimomirana no. A'ereki

nhandejikogypyagwera jate
Jesus Cristo'ga ojikoty'a



nhande pavẽi
nhande pokoga.



Ji Tupana'ga nhi'iãa mombe'uro ãwaramo ãa ji
mondouka ypa'ouhũ me Patmos pe
tomombe'ua'javyme ti ga Tupana'ga


nhi'iãa javo. Ji Jesus
Cristo'ga mombe'uro



ãwaramo ãa ji
mondouka pevo.



Kotihĩ Tupana'ga ra'uva ji pojkakatui ji rerogwovo
yvagi pe. Nanime pevo yvagi pe aheruvihavuhete'ga
apykavakatua ģa omondo imohina. A'ea rehe
ga'apykavareheve'ga apygi okovo aheruvihavuhetero
ahe mongomongovo
onhi'iġa rupi.



Kiro ji henduvi Tupana'ga rembiapohara'ãga nhaporemo
– kiroki ãga oko yvagi pe yvya koty no yvya gwyri pe no
ypiahua ruvihava pype no mbatera
pavẽi. ãgahã mbatera pavẽi e'i pa:

—Tohoryory hete ti
ga'apykavareheve'ga jipi
cordeiro'jave'ga pavẽi. ãgahã ti
timbohete jipi.
ãgahã ti
timboukwaha
jipi tikatu hete
ti ãga javo.




Ńahã ti toko nhanderuvihavuhuhetero jipi. A'ea nhande ei ga'apykavareheve'ga mboheteavo nhanderuvihavuhuhete'ga mboheteavo. A'ea nhande ei cordeiro'jave'ga mboheteavo no, ei Ńa mbatera pavẽi. A'ea rehe nhaporemõ Tupana'ga rembiapohara'Ńa nhaporemõ Ńa nhi'iŃi javõ mbatera pavẽi.




Kiro ji hepiagi cidadepyryva Jerusalémpyahua rurame
Tupana'ga hugwi ohema yvaga hugwi ua.
Omboavujikwe jipe ga cidadepyryva imbokatuavo.
A'ero cidade oko kunhangwerahêa ja ģa hêa
mboavujikwerame tahembireko hêa ga pavêi kiro javo.


Kiro ji
yvagipeve'ga
renduvi. Hahyahi
ganhi'iġa ga
erame yvaga
hugwi: —Kiro
Tupana'ga rongga oko
vvyakotyve'ġa pyteri pe,
ei ga.




Kiro ti Tupana'ga ruvi ģa pyri nehẽ. Kiro ti
yvyakotyve'ģa oko gagwyripeva'ero gareheva'ero nehẽ.
Ga tuhẽ ti oko ģa pyri nehẽ okovo
ģanduvihavuhhetero nehẽ, ei ga.



Kiro Tupana'gapyrive'ga yvagipeve'ga hepiukari ji ve paranauhũapyryva ahemongohava. Ikatu hete vidro ja. Typy katu hete ko paranauhũa. Ahepia hete ji ypya a'ero. Ohẽ paranauhũa Tupana'ga apykavuhua hugwi. Perope cordeiro'jave'ga oapy Tupana'ga pyri oina. Ğa oko aheruvihavuhhetero oapyga.



Ndatekwava'javi kwara rendya rehe cidade pe.
Ndatekwava'javi jahya rendya rehe cidade pe no.
A'ereki Tupana'ga hendy'jandy'ja imbokojahupava.
Cordeiro'jave'ga ko cidade ryapehavamo.



Nduri tuhẽ ti cidade
pype ndapyryvive'ãga
okote'varuhuve'ãga pavẽi
i'mbeve'ãga pavẽi.


Ojipe'ãga Tupana'ga
gwereko ãgandera livro
pype. Ñahã ti uhu
cidade pype nehẽ. Livro
ko cordeiro'jave'ga
apoa. A'ea pype
Tupana'ga okwatijaripe
ãgandera tuhu ti ãga ji pyri
upa okovo avuirama
nehẽ javo – kiroki ãga
ojiko ga rehe.




Tupana'ga ti ihypavi ãgandeahya
ãgandekwara hugwi nehẽ
tapejehe'oa'javi ti javo, ei ga.
Nomanoa'javi ti ãga nehẽ.
Ndokoveveuhua'javi ti ãga nehẽ.
Ndojehe'oa'javi ti ãga nehẽ, ei ga.
Ndahahya'javi ti ãga pe nehẽ. A'ereki
jypyva'ea apoa opa yvagaymyana
apoa yvyaymyana apoa, ei ga yvaga
hugwi.




Pe vova'ea pe nhaporemo pe vove'ãa pe nhaporemo po
ti Tupana'ga nde'i nehẽ: "Ite'varuhu po ti nde ve nehẽ."
A'ea rõi po ti ga ei nehẽ. Cidade pe ti Tupana'ga rekoi
oapyga oapykavuhua rehe okovo ãanduvihavuhuhetero
cordeiro'jave'ga pavẽi
nehẽ. Ganhi'iãa rupi ti
Tupana'gareheve'ãa
ndekoi ga
mboheteavo nehẽ.
Tupana'ga rova ti
ga hepiagi nehẽ.
Gwetovapya
rehe ti ãa
gwereko garera
nehẽ.




Kiro ji omanove'ãga ndepiagi ãga amame Tupana'ga rovai
pyteri pe. ãga ko okoteheve'ãga aheruvihava'ãga no.
Ypiahua ruvihava hugwi ãga ãi ua. Omanoa hugwi ãga ãi
ua. Omanove'ãga gwyrã hugwi ãga ãi ua. Nahanaãã
omanove'ãga nduri o'ama Tupana'ga rovai
pyteri pe. Kiro Tupana'ga ipe'ai livros.
Ojipea livro ga ipe'ai no. A'ea pype ga
okwatijaripe ãgãnderã tuhu ti
ãga ji pyri upã okovo
avuirama nehã
javo – kiroki ãga ojiko ga
rehe. Kiro livros ga
imonhi'iãgi – kiroki akoja ga
ope'a ypy.




A'ea pype ga okwatijaripe omanove'ãga ndeaporoãita nanani. Kiro ga imonhi'iãgi ikwahava'java ãgandekote'varuhua. Nurã ga ei ãga pe ãga amame gwovai pyteri pe: —Nahanahã pe ndekote'varuhui, ei ga. Inainani ga ei omanove'ãga pe. Kiro ga imonhi'iãgi ojipea livro – kiroki akoja pype ga okwatijaripe ãgandera tuhu ti ãga ji pyri javo. Omonhi'ĩ ga a'ea. Omanove'ãga ndera rekoe'ymame ipype ga ãga mombori tata pype ypiahua'java'ea pype.




Kiro Tupana'ga ra'uva i'ei cordeiro'jave'ga
rembirekoruamahēa pavēi: —Herejo! e'i gara'uva hēa
pavēi. Ĝahā – kiroki ĝa ĝwendu Jesus'ga
rembikwatijarukara – ĝa ti te'i nehē no: “Herejo!”



Ĝahã – kiroki ĝa ojiko pota Tupana'ga rehe
imomborukapota okote'varuhua – ĝa ti tuhu upa
avuirama Tupana'ga pyri nehẽ i'gwovo yhya
ahemongohava nehẽ. Ĝay'ua pe ji ei ĝajikoga
Tupana'ga rehe.



Ĝahã – kiroki ĝa uhu pota upa avuïrama Tupana'ga pyri
– ĝa ti tuhu ojikoga ga rehe nehẽ i'gwovo yhya
ahemongohava ikwepyge'yma nehẽ.



A'ereki Tupana'ga oarõ hete
yvyakotyve'ãga. A'ero ga gwa'yra'ga
mbuhuri yvyakotyve'ãga pyri ikwehe.
Gara'yra'ga ko ojipeji hete ko
ga rekoi ga pe.



Emo Tupana'ga ga mbuhuri nhande
pyri ga momanomouka nhande repyga
toho ti ģa yvagi pe nehẽ javo. Nurã
nhandejikogame Tupana'ga
ra'yra'ga rehe po ti nhande
rekoi Tupana'ga pyri
avuirama nehẽ.



Ndiahoi po ti nhande hahyva'ea
ruvihava pype a'ero nehẽ
nhanemanorame nehẽ.



Romanos 3:23 A'ereki ãga nhaporemo okote'varuhu. Ndohoi ãga Tupana'ga pyryhetea apiavo.

Romanos 6:23 Aherekote'varuhuagwera kwepykava ko hahyva'ea ruvihava pype. Emo Tupana'ga omombyry tehe nhande ve. Nhande mongo po ti ga ojipyri yvagi pe avuirama nehẽ. A'ereki nhande xajikoty'a Jesus Cristo'ga pavẽi nhandepojoykaharete'ga pavẽi.

Hebreus 9:27 Yvyakotyve'ãga ti tomano ojipeji. Omanorẽ po ti ãga tojipiuka Tupana'ga pe nehẽ. A'ero po ti ga ei ãgandeaporoãitapyryva pe ãgandeaporoãitate'varuhua pe nehẽ no.



Efésios 2:8,9 A'ereki opyryhetero ãwaramo Tupana'ga pendekote'varuhua mombo pa hete pe jikoheterame Cristo Jesus'ga rehe. Pe rõi pemombo pejikote'varuhua pejihugwi.

Tupana'ga reki omombo imombyrypota pe me ipotaro ãwaramo. Nurã ji ei: Omombyry tehe ga pe me. Aherekokatua kwepyga ãwaramo rõi Tupana'ga imombyryvi ahe ve. A'ereki ga e'i: "Te'iyme ti ãga: 'Ji pyryro ãwaramo Tupana'ga imombyryvi ji ve.' A'ea ti ãga te'iyme. Tonhimboheteyme ti ãga a'ero," ei Tupana'ga.

Romanos 10:9,10 Penhimombe'u ti jara'ãga pe Jesus'ga ko jipojykaharete'ga javo, oro'e ore pe me. Perovia hete ti pejipy'a pe Jesus'ga kwerava Tupana'ga ombogwera ga gamanoa hugwi javo. Heroviaheterame a'ea po ti Tupana'ga pe mondoukari ojipyri yvagi pe aerẽ nehẽ. A'ereki heroviaheterame nhandepy'a pe nhande xajiko Jesus'ga rehe. Nhande jikogame ga rehe ga ko jipojykaharete'ga javo, a'ero Tupana'ga ei nhande ve pepyry hete pe javo. A'ero po ti ga nhande mondoukari ojipyri nehẽ.



João 3:16,17 A'ereki Tupana'ga oarõ hete vvyakotyve'ãga.
A'ero ga gwa'yra'ga mbuhuri vvyakotyve'ãga pyri ikwehe.
Gara'yra'ga ko ojipeji hete ko ga rekoi ga pe. Emo
Tupana'ga ga mbuhuri nhande pyri ga momanomouka
nhande repyga toho ti ãga yvagi pe nehẽ javo. Nurã
nhandejikogame Tupana'ga ra'yra'ga rehe po ti nhande
rekoi Tupana'ga pyri avuirama nehẽ. Ndiahoi po ti nhande
hahyva'ea ruvihava pype a'ero nehẽ nhanemanorame
nehẽ. Gwa'yra'ga mbuhurame nhande koty Tupana'ga
nde'i ga pe: “Eho ti ãga pyri peko te'varuhu pe javo ãga pe.”
Tupana'ga nde'i a'ea gwa'yra'ga mbuhurukarame nhande
koty. A'ereki ga gwa'yra'ga mbuhuruka avo togweru po ti
ga ãga ji pyri nehẽ javo.



1 João 5:11-13 Tupana'ga e'i a'ero: “Pejikogame jira'yra'ga rehe ga pendeaporoõita mbopyahui,” ei ga. “Igwete po ti ga pe nderohoi ji pyri avuirama nehẽ,” ei Tupana'ga. Nhande jikoty'arame Tupana'ga ra'yra'ga pavẽi nhande reaporoõitapyahuro. A'ero nhande rekoi Tupana'ga pyri avuirama. Kiroki ãa ndojikoty'ari Tupana'ga ra'yra'ga pavẽi – ndipyahui ãandeaporoõita. A'ero ãa ndokoi Tupana'ga pyri. A'ea nhaporemõ ji akwatija pe me tapekwaha ti pejikoagwama yvagi pe javoji. A'ereki pe pejiko Tupana'ga ra'yra'ga rehe.



João 14; 2 Corintios 5; Apocalipse 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tenharim NT (pah) © 1996, Wycliffe Bible Translators, Inc.
All rights reserved.

<https://live.bible.is/bible/PAHTBL/MAT/1>

©2025 Bible for Children, Inc.

www.M1914.org

www.bibleforchildren.org

